

其明常照一切世界是故名普明

經見此大光見地大動又見佛身到寶積佛所白佛言世尊今何因緣有此光明照於世間地大震動又見佛身論地動佛身光明如

象能辟大樹令諸小象得食枝葉是故問佛

大德何因緣有此光明大地震動又見佛身

十七末

聖九

大智度論卷第九

孟音于正作孟推山向反進必孟詰起乙暮暗續紛

上匹賓反下芳文反鳩殲字蹠丑教月氏下音支窟居倒反國名

大不能知諸佛智慧神力譬如月光雖大日出則滅以是故問佛復次菩薩常欲見佛心無厭足無因緣尚欲見佛何況有大因緣復次是事不應疑譬如犢子隨母未足恠也又如小王朝宗大王法應爾故諸大菩薩亦如是得利大故常欲隨佛是菩薩見是事心即

覺知是必大事見無數無量世界皆得相見

以是故問復次有人言是菩薩自有神力能知亦是釋迦牟尼佛力令知但爲諸小菩薩不知故問佛諸小菩薩怖難未除不能問佛是故爲之發問是普明菩薩發其世界與諸小男子小女人俱以是故知不能問佛譬如大

聖十

大智度論卷第十

龍樹菩薩造姚秦三藏法師鳩摩羅什譯

釋初品中十方諸菩薩來之餘

經寶積佛報普明言善男子西方度如恒河沙等世界有世界名婆婆是中有佛号釋迦牟尼今現在欲爲諸菩薩摩訶薩說般若波

趙良

羅蜜是其神力論問曰佛譬言如須彌山不爲大海水波所動今何以答普明是則動相攝心則無語散心則有說說法從覺觀生覺觀鹿事佛不應有此鹿事答曰佛雖入深禪定不爲世事所動今以大慈悲心憐愍衆生爲之說法斷疑如須彌山王小風則不能動若隨藍風至則大動散佛亦如是有大慈悲風來憐愍心動散身無數入五道教化衆生或作天身乃至畜生復次佛實不動常入禪定先世福德因緣故身遍出聲應物如響如天妙樂自然發聲又如摩尼珠隨人所欲種種與之若欲衣被飲食醫藥自恣所須自然皆得佛亦如是從其身邊諸毛孔中自然有聲隨心說法是中佛無憶想亦無分別如說密迹金剛經中佛有三密身密語密意密一切諸天人皆不解不知有一會衆生或見佛身黃金色白銀色諸雜寶色有人見佛身一丈六尺或見一里十里百千萬億乃至無邊無

量遍虛空中如是等名身密語密者有人聞佛聲一里有聞十里百千萬億無數無量遍虛空中有一會中或聞說布施或有聞說持戒或聞說忍辱精進禪定智慧如是乃至十二部經八萬法聚各各隨心所聞是名語密是時目連心念欲知佛聲近遠即時以已神足力去無量千萬億佛世界而息聞佛音聲如近不異所息世界其佛與大衆方食彼土人大目連立其鉢緣彼佛弟子問其佛言此人頭虫從何所來著沙門被服而行其佛報言勿輕此人此是東方過無量佛界有佛名釋迦牟尼此是彼佛神足弟子彼佛問目伽羅子度汝何以來此目連答言我尋佛音聲故來至此彼佛告目連汝尋佛聲過無量億劫不能得其邊際復次佛出世爲斷衆生疑故爲說法此不應難汝不應問日何以除暗佛亦如是不應問佛何以故答問曰諸佛等故名爲等覺今何以稱言是彼神力答曰示

無吾我彼此滅嫉慢故復次世界有天常求尊勝憍慢法故自言天地人物是我化作如梵天王謂諸梵言我作汝等毗紐天言世間有大富貴名聞人皆是我身威德力分我能成就世間亦能破壞世間世間威德皆是我作有如是天破因緣法相諸佛實語不壞因緣法相故言是彼佛神力

經是時普明菩薩白寶積佛言世尊我今當往見釋迦牟尼佛禮拜供養及見彼諸菩薩摩訶薩紹尊位者皆得陀羅尼及諸三昧於諸三昧中而得自在論問曰若諸佛持戒禪定智慧度又比肩等是普明菩薩何以欲來見釋迦牟尼佛答曰諸菩薩常欲見佛無厭足聽法無厭足見諸菩薩僧無厭足諸菩薩於世間法皆以厭患於上三事心無厭足如手居士從淨居天來欲見佛其身微細沒失譬如消蘇不得立地佛語手居士汝化作鹿身觀此地相居士即如佛言化作鹿身觀念地相頭

面禮佛足一面立佛問居士汝幾事無厭生淨居天答言我三事無厭生淨居天一見佛供養無厭二聽法無厭三供給僧無厭如佛在閻浮提四部衆常隨逐佛聽法問法是我淨居諸天亦常從我聽法問法聲聞猶尚聽法無厭足何況法性身菩薩以是故普明菩薩來見釋迦牟尼佛及見此間諸菩薩摩訶薩紹尊位者皆得陀羅尼及諸三昧如先讚菩薩品中說於諸三昧而得自在者問曰如佛一人一切三昧中得自在何以言菩薩亦一切三昧中得自在答曰有二種三昧一者佛三昧二者菩薩三昧是諸菩薩於菩薩三昧中得自在非佛三昧中如說諸佛要集經中文殊尸利欲見佛集不能得到諸佛各還本處文殊尸利到諸佛集處有一女人近彼佛坐入三昧文殊尸利入禮佛足已白佛言云何此女人得近佛坐而我不得佛告文殊尸利汝覺此女人令從三昧起汝自問之文

聖十

三

菴

殊戶利即彈指覺之而不可覺以大聲喚亦不可覺捉手牽亦不可覺又以神足動三千大千世界猶亦不覺文殊戶利白佛言世尊我不能令覺是時佛放大光明照下方世界是中有一菩薩名棄諸蓋即時從下方出來到佛所頭面禮佛足一面立佛告棄諸蓋善

薩汝覺此女人即時彈指此女從三昧起文殊戶利白佛以何因緣我動三千大千世界不能令此女起棄諸蓋菩薩一彈指便從三昧起佛告文殊戶利汝因此女人初發阿耨多羅三藐三菩提意是女人因棄諸蓋菩薩初發阿耨多羅三藐三菩提意以是故汝不能令覺汝於諸佛三昧中功德未滿是棄諸蓋善薩三昧中得自在佛三昧中少多入而未得自在故耳

經佛告普明欲往隨意宜知是時少時寶積佛以千葉金色蓮華與普明菩薩而告之曰善男子汝以此華散釋迦牟尼佛上生彼娑婆

世界諸善薩難勝難及汝當一心遊彼世界論問曰佛何以言欲往隨意宜知是時答曰佛於弟子愛斷故於弟子中心不著故復次是菩薩未得一切智未得佛眼故心中少多有疑謂釋迦牟尼佛功德大所益或勝是故語言欲往隨意復次是菩薩遇見釋迦牟尼佛聖十

四

良

身小心生小慢言彼佛不如是故佛語汝往莫觀佛身勿念世界但聽佛說法復次是世界離娑婆世界極遠最在東邊是菩薩聞釋迦牟尼佛所說諸法相與寶積佛說諸法相正同便言世界雖遠法相不異增益大信心轉堅固復次先世因緣故雖遠處生應來聽法譬如繩繫雀脚雖復遠飛攝之則還復次是娑婆世界中菩薩見普明遠來聽法便作是念彼從遠來況我生此世界中而不聽法如是種種因緣是故佛言欲往隨意宜知是時問曰諸佛力等更不求福何故以華爲信答曰隨世間法行故如二國王力勢雖同亦

相贈遺復次示善與心故以華爲信世間法  
中使從遠來必應有信佛隨世法是故致信  
復次諸佛恭敬法故供養於法以法爲師何  
以故三世諸佛皆以諸法寶相爲師問曰何  
以不自供養身中法而供養他法答曰隨世  
間法如比丘欲供養法寶不自供養身中法

而供養餘持法知法解法者佛亦如是雖身  
中有法而供養餘佛法問曰如佛不求福德  
何以故供養答曰佛從無量阿僧祇劫中修  
諸功德常行諸善不但求報敬功德故而作  
供養如佛在時有一盲比丘眼無所見而以  
手縫衣時針紉脫便言誰愛福德爲我紉針  
五  
聖十  
道

是時佛到其所語比丘我是愛福德人爲汝  
莊來是比丘識佛聲疾起著衣禮佛足白佛  
言佛功德已滿云何言愛福德佛報言我雖  
功德已滿我深知功德因功德果報功德力  
今我於一切衆生中得最第一由此功德是  
故我愛佛爲此比丘讚功德已次爲隨意說  
法是比丘得法眼淨肉眼更明復次佛雖功  
德已滿更無所須爲教化弟子故語之言我  
尚作功德汝云何不作如技家百歲老公而  
舞有人呵之言老公年已百歲何用是舞公  
答我不須舞但欲教子孫故耳佛言如是功  
德雖滿爲教弟子作功德故而作供養問曰  
若爾者佛何以不自遙散釋迦牟尼佛上而  
遣人供養答曰爲此間諸菩薩信普明故復  
次佛所遣使水火兵毒百千種害終不能傷  
道里懸遠欲令安隱故問曰何故不以好寶  
深經若佛菩薩寶言此寶諸天所不見能出種種妙物如摩尼珠故名佛寶也爲  
信而以蓮華蓮華小物何足爲信答曰佛不須  
物佛寶天寶尚亦不須何況人寶以不須故  
不遣亦以佛自等有故不遣深經亦尔復次  
諸經於佛則無甚深甚深之稱出自凡人凡  
人所疑於佛無礙凡人所難佛皆易之後次  
華香清妙宜爲供養如人獻贈必以異物問  
曰何故止以蓮華不以餘物答曰供養唯以

華香旛蓋華有二事有色有香問曰餘華亦有香有色何故唯以蓮華供養答曰如華手經中說十方佛皆以華供養釋迦文佛後次蓮華有三種一者人華二者天華三者菩薩華人華大蓮華十餘葉夫華百葉菩薩華千葉彼世界中多有金色光明千葉蓮華娑婆世界中雖有化華千葉無水生者以是故遣是蓮華千葉金色如上舌相中說問曰佛何以令普明以華散佛答曰供養法華香旛蓋旛蓋應上乾香應燒濕香應塗地未香及華應散問曰何以不供奉而已而自散上答曰自手供養是身業輕言問訊是口業能起

聖十  
六良

身口業是意業是三業得功德牢固與佛道作因緣問曰何以言汝當一心敬慎娑婆世界中諸菩薩難及難勝答曰佛辟支佛阿羅漢一切諸賢聖皆一心敬慎魔若魔民及內身結使種種先世罪報皆是城近北諸城故應一心敬慎譬如入城中行不自慎護爲賊

所得以是故言一心敬慎以遊彼界後次以人心多散如狂如醉一心敬慎則是諸功德初門攝心得禪便得實智慧得實智慧便得解脫得解脫便得盡苦如是事皆從一心得如佛般涅槃後一百歲有一比丘名憂波毘得六神通阿羅漢當尔時世爲闍浮提大導師彼時有一比丘尼年百三十歲此比丘尼年少時見佛憂波毘來入其舍欲問佛容儀先遣弟子弟子語比丘尼我大師憂波毘欲來見汝問佛容儀是時比丘尼以鉢盛滿麻油著戶扇下試之知其威儀詳審以不憂波毘入徐排戶扇麻油小棄坐已問比丘尼汝見佛不容貌何似爲我說之比丘尼答我爾時年少見佛來入聚落衆人言佛來我亦隨衆人出見光明便禮頭上金釵墮地在大暗床下佛光明照之幽隱皆見即時得釵我自是後乃作比丘尼憂波毘更問佛在世時比丘威儀禮法何如答曰佛在時六群比丘無羞

聖十  
七

無耻最是弊惡威儀法則勝汝今日何以知  
之六羣比丘入戶不令油棄此雖弊惡如比  
丘儀法行住坐卧不失法則汝雖是六神通  
阿羅漢不如彼也憂波翹聞是語大自慚愧  
以是故言一心敬慎一心敬慎善人相也復  
次何以故言一心敬慎是菩薩難勝難及難  
破難近譬如大師子王難勝難破亦如白象  
王及龍王如大火炎皆難可近是菩薩大福  
德智慧力故若人欲勝欲破是不可得正可  
自破是故言難近問曰一切大菩薩皆大功  
德智慧利根一切難近何以獨言娑婆世界  
中菩薩難近答曰實如所言但以多寶世界  
中菩薩遠來見此世界不如石沙穢惡菩薩  
身小一切衆事皆亦不如必生輕慢是故佛  
言一心敬慎彼諸菩薩難近復次樂處生人  
多不勇猛不聰明少智慧如鬱怛羅衛人以  
大樂故無出家無受戒諸天中亦尔是娑婆  
世界中是樂因緣少有三惡道老病死土地

自活法難以是故易得獸心見老病死至心  
大獸患見貧窮人知先世因緣所致心生大  
種寶樹心念飲食應意即得如是生獸心難  
是故智慧不能大利譬如意刀著好飲食中  
刀便生垢飲食雖好而與刀不相宜若以石  
磨之脂灰營治垢除刀利是菩薩亦如是生  
雜世界中利智難近如人少小勤苦多有所  
能亦多有所堪又如養馬不乘則無所任復  
次是娑婆世界中菩薩多方便故難近餘處  
不尔如佛說我自憶念宿世一日施人千命  
度衆生故雖諸功德六波羅蜜一切佛事具  
足而不作佛恒以方便度脫衆生以是事故  
是娑婆世界中菩薩難近

**經** 尔時普明菩薩從寶積佛受千葉金色蓮華  
與無數出家在家菩薩及諸童男童女俱共  
發引<sub>論</sub>問曰是普明菩薩大力神通故應能來  
是出家在家菩薩及諸童男童女云何自致

聖十

八

生

多寶世界最在東邊道里悠遠是自用力行  
爲寶積佛力是普明菩薩力耶爲釋迦牟尼  
佛力答曰盡是四種人力是出家居家菩薩  
或是不退五通成就菩薩四如意足好修先  
世釋迦牟尼佛因緣亦自用己力亦是普明  
菩薩力何以故是中力勢薄者是普明菩薩  
力故得來如轉輪聖王飛上天時四種兵及  
諸宮觀畜獸一切皆飛轉輪聖王功德大故  
能令一切隨而飛從此亦如是力勢薄者以  
普明菩薩力故皆亦得來亦是寶積佛力及  
釋迦牟尼光明照之若自無力但釋迦牟尼  
佛光明召之亦應能來何況有三問曰是普  
明菩薩何不獨來而多將衆人答曰翼從所  
宜故譬如國王出時必有營從復次是普明菩  
薩及釋迦牟尼佛因緣人故所以者何彼大  
衆中二衆共來是故知有因緣者來無因緣  
者住問曰是菩薩何以故與諸居家出家童  
男童女俱來答曰佛弟子七衆比丘比丘尼

學戒尼沙彌沙彌尼優婆塞優婆夷優婆塞  
優婆夷是居家餘五衆是出家出家在家中  
更有二種若大若小小者童男童女餘者爲  
大問曰大者應行小者何以能來答曰在功  
德不在大小若失功德利行不善法雖老而  
小若有功德利行善法雖小而大復次見此  
聖十  
小者遠來人見則嘆小而能爲法遠來亦  
顯佛法小大皆得奉行外道法中婆羅門得  
行其法非婆羅門不得行佛法無大無小無  
內無外一切皆得修行譬如服藥以除病爲  
主不擇貴賤大小

經皆供養恭敬尊重讚嘆東方諸佛論問曰  
若皆供養東方諸佛諸佛甚多何時當訖得  
來此間答曰是諸菩薩非作人天法供養自  
行菩薩供養法菩薩供養法身入禪定其身  
直進從其身邊出無量身化作種種供養之  
物滿諸佛世界譬如龍王行時從身出水普  
雨天下問曰此諸菩薩欲詣釋迦牟尼佛何

以中道供養諸佛。答曰：諸佛第一福田若供養者得大果報譬如今廣修田業爲多得穀故諸菩薩見諸佛供養得佛果報是故供養復次菩薩常敬重於佛如人敬重父母諸菩薩蒙佛說法得種種三昧種種陀羅尼種種神力知恩故廣供養如法華經中藥王菩薩

從佛得一切變現色身三昧作是思惟我當云何供養佛及法華三昧即時飛到天上以三昧力雨七寶華香旛蓋供養於佛出三昧已意猶不足於千二百歲服食衆香飲諸香油然後以天白氈纏身而燒自作誓言使我身光明照八十恒河沙等佛世界是八十恒河沙等世界中諸佛讚言善哉善哉善男子以身供養是爲第一勝以國財妻子供養百千萬倍不可以譬喻爲比於千二百歲身然不滅復次是供養佛得無量名聞福德利益諸不善事皆悉滅除諸善根得增長今世後世常得供養報久後得作佛如是供養佛得

種種無量利以是故諸菩薩供養佛

經持諸華香瓔珞末香澤香燒香塗香衣服幢蓋向釋迦牟尼佛所到已頭面禮佛足一面立論問曰應言禮何以名頭面禮佛足一人身中第一貴者頭五情所著而最在上故足第一賤履不淨處最在下故是以所貴

聖十

十

良

禮所賤貴重供養故復次有下中上禮下者揖中者跪上者稽首頭面禮足是上供養以是故佛毗尼中下座比丘兩手捉上座兩足以頭面禮問曰四種身儀若坐若立若行若卧何以故一面立答曰爲來故不應行爲恭敬供養故不應卧此事易明何足問耶應問或坐或立坐者於供養不重立者恭敬供養法重復次佛法中諸外道出家及一切白衣來到佛所皆坐外道他法輕佛故坐白衣如客是故坐一切五衆身心屬佛是故立若得道諸阿羅漢如舍利弗目連須菩提等所作已辦是故聽坐餘雖得三道亦不聽坐大事

未辦結賊未破故譬如王臣大有功勳故得坐是諸菩薩中雖有白衣以從遠來供養佛故立經白佛言寶積如來致問世尊少惱少患興居輕利氣力安樂不又以此千葉金色蓮華供養世尊論問曰寶積佛一切智何以方問訊釋迦牟尼佛少惱少患興居輕利氣力安樂不答曰諸佛法亦知而故問如毗尼中達貳迦比丘作赤色瓦窟佛見已知而故問阿難此作何物阿難白佛是陶家子出家字達貳迦作小草盒常爲放牛人所壞三作三破是故作此瓦舍佛語阿難破此瓦窟何以故外道輩當言佛大師在時漏處法出如是等處

聖十

十一

趙

光明種種雖勝智慧神力俱等無異是故聞訊問曰何以問少惱少病不答曰有二種病一者外因緣病二者內因緣病外者寒熱飢渴兵刃刀杖墜落推壓如是等種種外患者爲惱內者飲食不節卧起無常四百四病如是等種種名爲內病如此二病有身皆苦是故問少惱少患不問曰何以不問無惱無病而問少惱少患答曰聖人實知身爲苦本無不病時何以故是四大合而爲身地水火風性不相宜各各相害譬如疽瘡無不痛時若以藥塗可得少差而不可得愈人身亦如是常病常治治故得活不治則死以是故不得問無惱無病外患常有風雨寒熱爲惱復有身四儀坐卧行住久坐則極惱久臥久住久行皆惱以是故問少惱少患問曰問少惱少患則足何以復言興居輕利問曰人雖病差未得平復以是故問興居輕利問曰何以故言氣力女糞不答曰有人病差雖能行步坐起氣力

未足不能造事施為。擣輕舉重故問氣力安樂不者有人雖病得差能舉重擣輕而未受安樂是故問安樂不問曰若無病有力何以未受安樂答曰有人貧窮恐怖憂愁不得安樂以是故問得安樂不復次有二種問訊法問訊身問訊心若言少惱少病興居輕利氣力

是問訊身若言安樂不是問訊心種種內外諸病名爲身病姪欲瞋恚嫉妒慳貪憂愁怖畏等種種煩惱九十八結五百纏種種欲願等名爲心病是二病問訊故言少惱少病興居輕利氣力安樂不問曰人問訊則應余諸天尚不應如此問訊何況於佛答曰佛身二

聖十

十三

趙

種一神通變化身二父母生身父母生身受人法故不如天是故應如人法問訊問曰一切賢聖心無所著不貪身不惜壽不惡死不悅生若如是者何用問訊答曰隨世界法故受人法問訊遣問訊亦以人法千葉金色蓮華如上說

經 尔時釋迦牟尼佛受是千葉金色蓮華已散東方如恒河沙等諸世界中佛論問曰佛無勝如今何以故向東方諸佛散華供養如佛初得道時自念人無所尊則事業不成今千方百地誰可尊事者我欲師而事之是時梵天王等諸天白佛佛爲無上無過佛者佛亦自以天眼觀三世十方天地中無勝佛者心自念言我行摩訶般若波羅蜜今自致作佛是我所尊即是我師我當恭敬供養尊事是法譬如如有樹名爲好堅是樹在地中百歲枝葉具足一日出生高百丈是樹出已欲求大樹以蔭其身是時林中有神語好堅樹言此中無大汝者諸樹皆當在汝蔭中佛亦如是無量阿僧祇劫在菩薩地中生一日於菩提樹下金剛坐處坐實知一切諸法相得成佛道是時自念誰可尊事以爲師者我當承事恭敬供養時梵天王等諸天白佛言佛爲無上無過佛者今何以故復供養東方諸佛答曰

聖十

十三

趙

佛雖無上三世十方天地中無過佛者而行。供養供養有上中下下於已者而供養之是下供養供養勝已是上供養供養與已等者是中供養諸佛供養是中供養如大愛道比丘尼與五百阿羅漢比丘尼一日中一時入涅槃是時諸得三道優婆塞舉五百床四天王舉佛乳母大愛道床佛自在前擎香鑑燒香供養佛語比丘汝等助我供養乳母身尔時諸阿羅漢比丘各各以神足力到摩梨山上取牛頭栴檀香薪助佛作積是爲下供養以是故雖不求果而行等供養復次唯佛應供養佛餘人不知佛德如偈說

智人能敬智 智論則智喜 智人能知智  
如蛇知蛇足

以是故諸佛一切智能供養一切智復次是十方佛世世勸助釋迦牟尼佛如七住菩薩觀諸法空無所有不生不滅如是觀已於一切世界中心不著欲放捨六波羅蜜入涅槃

譬如人夢中作筏渡大河水手足疲勞生患獸想在中流中夢覺自念言何許有河而可渡者是時勤心都放菩薩亦如是立七住中得無生法忍心行皆止欲入涅槃尔時十方諸佛皆放光明照菩薩身以右手摩其頭語言善男子勿生此心汝當念汝本願欲度衆生汝雖知空衆生不解汝當集諸功德教化衆生莫入涅槃汝未得金色身三十二相八十種隨形好無量光明三十二業汝今始得一無生法門莫便大喜是時菩薩聞諸佛教誨還生本心行六波羅蜜以度衆生如是等初得佛道時得是佐助又佛初得道時心自思惟是法甚深衆生愚蒙薄福我亦五惡世生念當云何念已我當於一法中作三分分爲三乘以度衆生作是思惟時十方諸佛皆現光明讚言善哉善哉我等亦在五惡世中分一法作三分以度衆生是時佛聞十方諸佛語聲即大歡喜稱言南無佛如是十方佛處處

勸助爲作大利知恩重故以華供養十方佛最上福德無過此德何以故是華寶積佛功德力所生非是水生華普明是十住法身菩薩送此華來上釋迦牟尼佛釋迦牟尼佛知十方佛是第一福田故以供養是福倍多何以故佛自供養佛故佛法中有四種布施一

施者清淨受者不淨二施者不淨受者清淨三施者清淨受者亦淨四施者不淨受者不清淨今施東方諸佛是爲二俱清淨是福最大以是故佛自供養十方佛問曰一切聖人不受報果後更不生云何言是施福最大答曰是福雖無人受其相自大若有人受者其報無量諸聖人知有爲法皆無常空故捨入涅槃是福亦捨譬如燒金丸雖眼見其好不可以手觸燒人手故復次如人有瘡則須藥塗若無瘡者藥無所施人有身亦如是常爲飢渴寒熱所逼亦如瘡發以衣被飲食溫暖將適如藥塗瘡如愚癡人爲貪藥故不用塗瘡

若其無瘡藥亦無用諸佛以身爲瘡捨放身瘡故亦不受報藥以是故雖有大福亦不受報論問曰華少而出界多云何滿答曰佛神通力故如上八種自恣變化法大能令小小能令大輕能令重重能令輕自在無礙隨意所到能動大地所願能辦諸大聖人皆得是八種自在是故佛能以小華滿東方如恒河沙等出界又復以示衆生未來福報如此少華滿東方出界又勸東方菩薩言植福於佛田中所得果報亦如此華彌滿無量汝雖遠來應當歡喜遇此大福田果報無量

聖十

五

通

經一一華上皆有善薩結跏趺坐說六波羅蜜聞此法者必至阿耨多羅三藐三菩提論問曰上佛以舌相光明化作千葉寶華一一華上皆有坐佛今何以故一一華上皆有坐菩薩答曰上是佛所化華故有坐佛此是普明菩薩所供養華是故有坐菩薩復次上諸

衆生應見坐佛得度今此衆生應見坐菩薩得度結跏趺坐說六波羅密聞此法者必至阿耨多羅三藐三菩提如先說

經諸出家在家菩薩及諸童男童女頭面禮釋迦牟尼佛足各以供養具供養恭敬尊重讚嘆釋迦牟尼佛是諸出家在家菩薩及

諸童男童女各各以善根福德力故得供養釋迦牟尼多陀阿伽度阿羅訶三藐三佛陀論如說偈

諸聖所來道佛亦如是來實相及所去

佛亦亦無異諸聖如實語佛亦如實說以是故名佛多陀阿伽度

忍鎧心堅固

精進弓力強智慧箭勁利破橋慢諸賊

應受天世人一切諸供養以是故名佛

以爲阿羅訶正知苦實相亦實知苦集

知苦滅實相亦知苦滅道真正解四諦

定實不可變是故十方中号三藐三佛

得微妙三明清淨行亦具是故号世尊

解知一切法自得妙道去  
或時方便說愍念一切故滅除老病死  
令到安隱處以是故名佛以爲修伽陀  
知世所從來爲路迦鞞陀以是故名佛  
以是故名佛亦知世滅道以是故名佛  
爲路迦鞞陀以是故名佛以爲修伽陀  
知世所從來爲路迦鞞陀以是故名佛  
以是故名佛禪戒智等眼無及況出上  
爲阿耨多羅爲阿耨多羅大悲度衆生  
以是故名佛以是故名佛以是故名佛  
以是故名佛富樓沙曇藐良

彌善教調御以是故名佛以是故名佛  
智慧無煩惱說最上解脫以是故名佛  
提婆摩菟舍道樹下悉知是故名爲佛  
三世動不動說最上解脫以是故名佛  
盡及不盡法是故名爲佛

經南方度如恒河沙等諸佛世界其世界最  
在邊世界名離一切憂佛号無憂德菩薩名  
離憂西方度如恒沙等諸佛世界其世界最  
在邊世界名滅惡佛号寶山菩薩名義意比  
方度如恒河沙等諸佛世界其世界最在邊  
世界名勝佛号勝王菩薩名得勝下方度如  
恒河沙等諸佛世界其世界最在邊世界名  
善佛号善德菩薩名華上方度如恒河沙

等諸佛世界其世界最在邊世界名喜佛号  
喜德菩薩名德喜如是一切皆如東方論問  
曰如佛法中實無諸方名何以故諸五衆十二入十八界中所不攝四法藏中亦無說方是  
實法因緣求亦不可得今何以故此中說十  
方諸佛十方菩薩來答曰隨出俗法所傳故

說方求方實不可得問曰何以言無方汝四  
法藏中不說我六法藏中說汝衆入界中不

攝我陀羅驃中攝是方法常相故有指故亦  
有亦常如經中說日出處是東方日沒處是  
西方日行處是南方日不行處是北方日有  
三分合若前合若今合若後合隨方日分初  
聖十

上 茶

合是東方南方西方亦如是日不行處是無  
分彼間此此間彼是方相若無方無彼此彼  
此是方相而非方答曰不然須彌山在四域  
之中日繞須彌照四天下鬱怛羅越日中是  
弗婆提日出於弗婆提人是東方弗婆提日  
中是闍浮提日出於闍浮提人是東方是實

無初何以故一切方皆東方皆南方皆西方  
皆北方汝言日出處是東方日行處是南方  
日沒處是西方日不行處是北方是事不然  
復次有處日不合是爲非方無方相故問曰  
我說一國中方相汝以四國爲難以是故東  
方非無初答曰若一國中日與東方合是爲  
有邊有邊故無常無常故是不遍以是故方  
但有名而無實

經余時是三千大千世界皆成爲寶華遍覆  
地懸繒旛蓋香樹華樹皆悉莊嚴論問曰此  
誰神力令地爲寶答曰是佛無量神力變化  
所爲有人呪術幻法及諸鬼神龍王諸天等能  
變少物令三千大千世界皆爲珍寶餘人及

梵天王皆所不能佛入四禪中十四變化心  
能令三千大千世界華香樹木一切土地皆  
悉莊嚴一切衆生皆悉和同心轉爲善何以  
故莊嚴此世界爲說般若波羅蜜故亦爲十  
方諸菩薩客來及諸天世人故莊嚴如人請

貴客若一家請則莊嚴一家一國主則莊嚴  
 一國轉輪聖王則莊嚴四天下梵天王莊嚴  
 三千大千世界佛為十方無量恒河沙等諸  
 世界中主是諸他方菩薩及諸天世人客來  
 故亦為此彼衆人見此變化莊嚴則生大心  
 生清淨歡喜心從大心發大業從大業得大  
 報受大報時更生大心如是展轉增益得成  
 阿耨多羅三藐三菩提以是故變此世界皆  
 悉為寶云何名寶寶有四種金銀毗琉璃頗  
 梨更有七種寶金銀毗琉璃頗梨車渠馬腦  
赤真珠此珠極貴鳥口邊出綠色能辟一切毒也因陀尼羅天青珠摩訶尼羅大青珠

十六

坐

聖十

珠鉢摩羅伽赫光越闍離龍珠如意珠玉貝  
 珊瑚虎珀等種種名為寶是寶有三種有人  
 寶天寶菩薩寶人寶力少唯有清淨光色除  
 毒除鬼除暗亦除飢渴寒熱種種苦事天寶  
 亦大亦勝常隨逐天身可使令可共語輕而  
 不重菩薩寶勝於天寶能兼有人寶天寶事

聖十

十九

趙

又能令一切衆生知死此生彼因緣本末譬  
 如明鏡見其面像復次菩薩寶能出種種法  
 音若為首飾寶冠則雨十方無量世界諸佛  
 上幢旛華蓋種種供養之具以供養佛又雨  
 衣被卧具生活之物種種衆事隨衆生所須  
 皆悉雨之給施衆生如是等種種衆寶以除  
 衆生貧窮苦厄問曰是諸珍寶從何處出答  
 曰金山山石沙赤銅中真珠出魚腹中竹中  
 蛇腦中龍珠出龍腦中珊瑚出海中石樹生  
 貝出虫甲中銀出燒石餘琉璃頗梨等皆出山  
 窟中如意珠出自佛舍利若法沒盡時諸舍  
 利皆變為如意珠譬如今過千歲水化為頗梨  
 珠如是等諸寶是人中常寶佛所莊嚴一切  
 世界是最殊勝諸天所不能得何以故是從  
 大功德所生種種華旛如先說香樹者名阿  
 伽樓羅多伽樓木香樹栴檀如是等種種香  
 樹華樹名占𦵹黃花阿輸迦無憂花樹婆訶迦羅  
赤花如是等種種華樹

**經** 誓如華積世界普華世界妙德菩薩善住意菩薩及餘大威神諸菩薩皆在彼住論問曰何以言譬如華積世界答曰彼世界常有淨華此世界變化一時故以喻也譬喻法以小喻大如人面好譬如滿月問曰更有十方諸清淨世界如阿彌陀佛安樂世界等何故

但以普華世界爲喻答曰阿彌陀佛世界不如華積世界何以故法積比丘佛雖將至十方觀清淨世界功德力薄不能得見上妙清淨世界以是故世界不如復次當佛變化此世界時正與華積世界相似以是故言譬如華積世界問曰更有餘大菩薩如毗摩羅鞋觀世音遍吉菩薩等何以不言此諸菩薩在彼住而但言文殊師利善住意菩薩答曰是遍吉菩薩一一毛孔常出諸佛世界及諸佛菩薩遍滿十方以化衆生無適住處文殊尸利分身變化入五道中或作聲聞或作緣覺或作佛身如首楞嚴三昧經中說文殊尸利

菩薩過去世作龍種尊佛七十二億世作辟支迦佛是可言可說遍吉菩薩不可量不可說住處不可知若住應在一切世界中住是故不說復次及諸大威神菩薩亦應總說遍吉等諸大菩薩

**經** 尔時佛知一切世界若天世界若魔世界

若梵世界若沙門婆羅門若天若捷闍婆人阿脩羅等及諸菩薩摩訶薩紹尊位者皆集論問曰佛神力無量一切十方衆生若盡來在會者一切世界應空若不來者佛無量神力有所不能答曰不應盡來何以故諸佛世界無邊無量若盡來者便爲有邊又復十方各各有佛亦說般若波羅蜜如般若波羅蜜遍滿十方以化衆生無適住處文殊尸利四十三品中十方面各千佛現皆說般若波羅蜜以是故不應盡來問曰若有十方諸佛皆說般若波羅蜜十方諸菩薩何以故來答曰如普明菩薩來章中已說與釋迦牟尼佛因緣故來復次是諸菩薩本願故若有說般

聖十  
二年

若波羅蜜處我當聽受供養是以遠來欲以身力積功德故亦以示諸衆生我從遠來供養法故云何汝在此世界而不供養問曰佛於法不著何以故七現神力而令衆生大集答曰是般若波羅蜜甚深難知難解不可思議是故廣集諸大菩薩令新發意者心得信

樂譬言如小人所語不爲人信貴重大人人必信受問曰何以故言若天世界若魔世界若梵世界但應言天世界人世界則足何以故十号中言天人師以是故應言天人而已答曰諸天有天眼天耳利根智慧多自知來以是故言天世界問曰若天世界已攝魔梵何以別說若魔若梵答曰天中有三大主釋提婆那民二處天主魔王六欲天主梵世界中梵天王爲主問曰如夜摩天兜率陀天化樂天皆有主何以但有三主答曰釋提婆那民依地住佛亦依地住常來佛所大有名稱人多識故魔王常來燒佛又是一切欲界中主夜

摩天兜率陀天化樂天皆屬魔王後次天世  
界則三界天皆攝是天中一切欲界魔爲主  
是故別說復次魔常燒佛今來聽般若波羅  
蜜餘人增益信故問曰色界中大有天何以  
但言梵世界集答曰上諸天無覺觀不喜散  
心又難聞故梵世界有四識易聞故又梵世  
聖十  
界近故復次梵名離欲清淨今言梵世界已  
總說色界諸天復次餘天未有人民劫初生  
時梵天王獨在梵宮寂寢無人其心不悅而  
自生念此間何以不生人民是時光音天命  
盡者應念來生梵王便自生念此諸天先無  
隨我念故生我能生此諸天是時亦各  
自念我從梵王生梵王是我父也以是故但  
說梵世界復次二禪三禪四禪天於欲界見  
佛聽法若勸助菩薩眼識耳識身識皆在梵  
世界中取以是故別說梵世界問曰何以故  
獨說諸沙門婆羅門不說國王及長者諸餘  
人衆答曰智慧人有二分沙門婆羅門出家

名沙門在家名婆羅門餘人心存卅樂是故不說婆羅門多學智慧求福出家人一切求道是故但說沙門婆羅門在家中七卅清淨生滿六歲皆受戒名婆羅門是沙門婆羅門中有道德智慧以是故說問曰先以說天卅

界今何以復說天答曰天世界是四天王忉

利天魔是他化自在天梵是色界今說天是欲界中夜摩兜率陀化樂愛身天等愛身在

六天上形色絕妙故言愛身問曰何以但說

捷闡婆不說諸餘鬼神及龍王答曰是捷闡婆是諸天妓人隨逐諸天其心柔軟福德力小減諸天諸鬼神鬼神道中攝龍王畜生道

中攝甄陀羅亦是天妓皆屬天與天同住共

坐飲食妓樂皆與天同是捷闡婆王名童籠

磨<sub>釋</sub>言是捷闡婆甄陀羅恒在二處住常所

居止在十寶山間有時天上爲諸天作樂此

二種常畜伏上下人在四天下生生有四種

極長壽乃至無量歲極短壽乃至十歲阿脩

羅惡心鬪諍而不破戒大修施福生在大海邊住亦有城郭宮殿是阿脩羅王名毗摩質多婆梨羅睺羅如是等名阿脩羅王如說一時羅睺羅阿脩羅王欲取月月天子怖疾到佛所說偈

大智精進佛卅尊 我今歸命稽首禮

聖十

九三

道

是羅睺羅惱亂我 願佛憐愍見救護  
佛與羅睺羅而說偈言

月能照暗而清涼 是虛空中天燈明

其色白淨有千光 汝莫吞月疾放去

是時羅睺羅怖懼流汗即疾放月波梨阿脩羅王見羅睺羅惶怖放月說偈問曰

汝羅睺羅何以故 惶怖戰慄疾放月

汝身流汗如病人 心怖不安乃如是

羅睺羅尔時說偈答曰

卅尊以偈而勅我 我不放月頭七分

設得生活不安隱 以故我今放此月

波利阿脩羅王說此偈言

諸佛甚難值 久遠乃出世 說此清淨偈

羅睺即放月

問曰何以不說地獄畜生餓鬼答曰地獄大苦心亂不能受法畜生愚癡覆心不能受化餓鬼爲飢渴火燒身故不得受法復次畜生餓鬼中少多有來聽法者生福德心而已不堪受道是故不說問曰若爾者捷闍婆阿修羅亦不應說何以故鬼神道中已攝故答曰佛不說攝今何以言攝此是迦旃延子等說如阿脩羅力與天等或時戰鬪勝天捷闍婆是諸天妓與天同受福樂有智慧能別好醜何以故不得受道法如雜阿含天品中說富那婆敷鬼神母佛遊行宿其處尔時世尊說上妙法甘露女男二人啼泣母爲說偈止之

汝鬱怛羅勿作聲 富那婆敷亦莫啼

我今聞法得道證 汝亦當得必如我

以是事故知鬼神中有得道者復次摩訶衍

中密迹金剛力士於諸菩薩中勝何況餘人

如屯嶺摩甄陀羅王捷闍婆王至佛所彈琴讚佛三千世界皆爲震動乃至摩訶迦葉不安其坐如此人等云何不能得道如諸阿脩羅王龍王皆到佛所問佛深法佛隨其問而答深義何以言不能得道問曰於五道衆生中佛是天人師不說三惡道以其無福無受道分故是諸龍鬼皆墮惡道中答曰佛亦不分明說五道說五道者是一切有部僧所說婆蹉佛姑路部僧說有六道復次應有六道何以故三惡道一向是罪處若福多罪少是名阿脩羅捷闍婆等生處應別以是故應言六趣復次三惡道亦有受道福少故言無及諸

菩薩紹尊位者如先說

聖末

趙

大智度論卷第十

聖十

紐<sub>女</sub>縫<sub>音逢</sub>袴<sub>音而禁</sub>鞞<sub>音維</sub>迦<sub>音加</sub>勁<sub>音正</sub>菟<sub>音兔</sub>蹠<sub>音蹠</sub>葛<sub>音葛</sub>蒼<sub>音蒼</sub>惶<sub>音惶</sub>憫<sub>音竚</sub>數<sub>音數</sub>叟<sub>音叟</sub>蹠<sub>音蹠</sub>何<sub>音何</sub>倫<sub>音倫</sub>贈<sub>音贈</sub>遺<sub>音遺</sub>下于<sub>音于</sub>貴<sub>音貴</sub>